



敬亭集
御

詩中

廿六

^16
2350
4



2350
6-4



敬亭先生集卷之七



詩 燕槎唱酬集中

呈白沙狀象和教黃鍾下諧於牛鐸白雲彌

裁鑑

旅病惜惜不自聊
惟將藥餌當羞肴
眼眩細字元妨讀
背癢長鬚屢遣搔
隙駟光陰拋冉冉
客亭身世送勞勞
空懷二十年前事
却羨春風酒易消

萬曆癸卯曾寓此館故及之

二疊

寂寂羈懷那可聊
非關無酒又無肴
有名場舊局輸

閑着技癢新詩當快搔奔走敢期全道力操持還
覺起塵勞閉門數息清如水卧看心香一字消

三疊

客裏情悰沒賴聊盤飧日日減鮮肴越吟在楚多
因病潘鬢逢秋不奈搔自視剗肝無寸效敢論掉
舌有微勞回轅正值南飛鴈莫待宮城雪半消

四疊

橘中為樂慰無聊袖裏龍根當脯肴博戲還同讖
裸浴禪談全似隔靴搔催帝絡緯秋懷冷獨抱瑤
琴夜坐勞老境沉潛無伎倆聖心消處妄心消

適以象戲消日
故用橘中事

五疊

旅館逍遙暇日聊暫開芳酒薦嘉肴誰將纖手彈
銀甲要對雙鬟整玉搔更勸一盃須盡醉且移殘
燭莫辭勞慙懃再約重陽飲泛菊催題蠟炬消

走謝白沙惠筆墨

中書髮就禿墨子磨放踵楮郎與陶公無以偏其
用荷公減行囊捧領當壁拱從此四友足文房有
光寵可笑不知足望蜀因得隴

朝天宮待漏

待漏天將曉
鑿鑿曙鼓聞
西山猶急雪
此閣轉晴
雲燈影寒
垂爐爐香暖
吐氲催班
臚唱切鳴佩響
紛紛

歷代帝王廟

在景德街歷代名
從祀東西廡

鳳城西陌鬱宮堯
古殿陰陰鎖寂寥
聖帝經綸垂
後世宗臣勲業炳
前朝日臨彩幄
龍文動風入脩
廊羽葆搖坐久
松林清籟起却訝
笙鶴下層霄

次白沙惠韻以謝盛意

同科也有不同科
黃潦無由接絳河
豈料偶添槎
客伴隨緣共打海
門過固窮自信庸
成我速化寧

容謬巧他收拾
登臨千首在異時
應復記羊何

謝康樂與羊何有
登臨海嵒之作

記異

天啓癸亥秋八月二十七鎖在烏蠻館
黝暗天如
凍疾風兼兩電霹靂隨電掣當食
匙箸倚柱書
未畢恠哉此號號乃在收聲月憶
昨見朝日霖潦
彌旬朔玉階仙仗晦沙堤火城滅
衣沾不足惜但
懼儀有失繭袍加襪襪油靴晉朝
鞮及雷怕垂瀑
跽庭愁沒膝仰看殿屋上篙藜披
箬藟天心出仁
愛災沴豈虛發荆南十月雷不意
復今日祀人憂

天崩未必愚無識燮理雖在相本諸皇建極上帝
日鑑臨勿謂玄且默

次石樓懷仰葉閣老韻

能容醉榻吐車茵天下安危佩一身位極世間真
宰相名高物外老仙人文章韓孟如何海事業蕭
曹只垢塵瞻仰至今心眼動風神洒落簪簪紳
鳳池朝退瑞烟晴繡誥初從筆下生當局每存持
重體臨機頗盡幹旋誠在敦屬國加柔惠肯督羣
僚立課程祇祝時平公壽考必堤增築火為城

必隣之福清人

哭亡兄大祥憶舍房

孤燭相將坐到晨故山松栢夢魂頻家人拜哭雲
窳罷應念羈危萬里人
草草三霜祇隔晨幾條清淚拭還頻遙知燭下單
形影真酌哀號火一人

憶登州

遙憶東牟郡蒼茫雲海間還同班定遠願入玉門
關陳年登州

號也

登萊何處在日出近扶桑去國三千里并州是故
鄉

次李學官長培中秋韻

鍾殘九陌露華清坐看冰輪屋角生
萬里陰晴同候夜一年離別異鄉情
銀蟾豈解丹心苦玉兔還添白髮明
遙想家人應拜祝歸帆早趁杪秋行
困睡醒來酒力微紙窓斜映篆烟飛
遠遊空笑黑貂弊久客徒歌長鉞歸
蕭瑟平生嗟我獨崎嶇末路似君稀
何人有意憐同病九月燕中已授衣

烏壘館次杜草堂九日詩韻

秋秋羈思若為寬萬里逢辰強盡歡
短髮尚堪今日帽傍人休整老夫冠
涪江郵縣元無定蓬鬢霜

華苦奈寒豈之策莫傳仔細風光不似故園看

燕槎紀行五言律百韻

癸卯燕槎紀事韻

曲士脫聞道何能覩大方觀周思季札入學慕皇
唐一介為儒腐千齡際運昌通班添冷局執笏詣
朝房魏闕辭三殿轅門謁四廂星槎浮渤海舟芥
視坳堂咫尺天威通便蕃聖賜彰鵬風堪負
翼鯨浪正彌望台相舩齋穩尚書彩鷁揚清才咸
秀發健筆妙鋪張空翠團松壁踈紅落海棠錦翻
詩葉打花亞酒籌當鳴鵠占時候躔鶉次月將生
涯趁就死地脫恹惶劈箭離弦疾飛颿激電叱

日陰溟嶠黑雲慘戍樓黃天派分銀浦河源接玉
潢岬夷賓日地蓬島望仙鄉郡轄東牟國封連北
海疆崖分三洞赤堂暎萬松蒼霸業傳青社豪風
說孟嘗玳簪歸寂寞石數卧荒涼誰保爽鳩樂徒
聞雍子傷河從溜故道山有禹餘糧清濟羅圍帶
岱宗劔拔銜魚鹽資廣斥關阨占喉吭鷄犬聞干
里風烟接八荒卻金留古蹟激濁信剛腸虜腹將
流血鄙臍未燒肪何時當鑄鑄指日行稱觴羸帝
橋餘石海鰲骨已霜秦車蹈是漢周鑑在茲商際
水潛流玉泉源驗棄糠名區耽景翫寶唾惜人亾

省路開藩臬東南作保障人材稱府庫士馬號精
強憲節專戎鎮邊垣曲備防秦城瞻北斗楚客拜
東皇漳衛交河道滄津順水播便風輕五兩暴雨
濕囊箱香火祈靈應金銀禮佛光鼎遷同郊鄢星
拱近畿邦水駟臨河畔譙樓夾岸傍鶯酬歌句艷
柳弄舞衣香曲檻圓還缺踈簾頡又頡葡萄垂砌
架齒蒼暎林塘買犢分憂處治繩共理良播紳羅
第宅花木遍園庄鍾鼓何時畢歡娛未遽央龜全
甘曳尾魚爛愛垂芳此理須分付何人識否臧蘆
洲紆曠莽桂檝轉蒼茫擘也傷宣聖鳳兮嘆楚狂

乾坤身世窄 江海道途長 鶴野輸奴穴 闕城付戰場
聖情思鉅慮 羣策集巖廊 即事須嘗膽 臨穴戒剝床
天憂崩者杞 城懼覆于隍 河水聞呈瑞 隗山賀集凰
衣霞仙仗雨 烟拂御溝揚 執壤儀曹署 摠衣柱下箴
冲天將鳥蜚 投地奈鳩搶 瑞旭昇爐霽 葱珩韻步瑒
榮光懸日月 雨露被汪洋 時議還難料 憂端未易量
袖書呈閣老 投杖詣司郎 跼地何由騁 瞻天未獲翔
龍顏夢尚穆 天語耳猶鏘 澤鴈歌遵渚 摻魚頌薦鱮
亟停三闕役 先罷五坊幫 元老登台省 羣賢列宿行
箕封倫紀正 摠府奏

申詳征繕機 偏急譏訛套 巧粧望塵趨 禁禦衝淖
走街坊 沙礫參珠玉 鴛鴦後驪驪 有時還默默 無
處不遑遑 憂患憐同病 形骸任兩忘 精神隨日耗
肌革倍前疴 對酒寬心地 論詩覺面墻 却忘身日
遠 惟切願時康 早報完封典 旋看驗篚筐 將軍頻
執訊 騷客漫哀殤 寶馬牽騶褭 輕裘換鷓鴣 芳洲
尋杜若 春日賦沅湘 有志蘊籌略 無心干帝王 敢
望觀易象 頗幸覩周庠 暇日窺方澤 雍容出正陽
紫泉珠殿側 瑤瑋貝宮旁 颯颯來神馭 將將近帝
閭 星霜空荏苒 鬢髮已滄浪 舊學忘時習 虛名愧

月攘基園頻曳甲筆陣屢牽羊交絕山王貴論排
佛老猖蕪臺求駿骨漢殿蓄優倡客路方艱澁歸
心日躁痒自慙冠獬廌難犯怒塘娘憶身居家窘
懷兒越限踉堂前新種竹墻下舊栽桑肯納田中
履還依樹上董皇州春正滿歸袂正軒昂集于

頴川之大隗山河
南首臣奏聞云

次白沙韻

家在水岑水淨間青松夾路白雲閑濟南萬里長
愁暘赤脚翻思踏雪山水淨蘭若各有靈泉朱夏
如水管與友生觀基於僧
寮題云野寺烟霞古松門技屨同僧眠泉響
裏月今磬聲中詩得揮機進基從觸法通偶

然心境適不必強觀
空因水淨并錄上

葉首揆累疏乞退石樓相公作詩以寓意蓋
老成去就有關天下非私於葉也敬次其韻
情見乎詞

聖主敦留豈為私三朝德望四夷知傳巖夢卜千
齡會遼塞降書六載遲軒冕倘來雖視疑綸言切
至奈如絲大臣進退安危繫公夔明農亦一時
碩輔何心敢控辭時艱已到十分危嗣皇雖聖
方冲幼朝政猶歧少實為樂事清時需綠野寒香
晚節趁疎籬關城奈迫門庭寇師相元無可去期

次正使台韻贈黃僉知汝中

超出儕流慨所聞况聯群從檜原君盤纏支用須
清慎厨膳豐甘亦幹勤屢洗客愁排宴席頻求細
酒助酣醺自憐病口難調適項上時蒙一變分
半生憂樂付陶泓誤墮燕中在瘞銘為謝黃堂媒
石友喜看青壁出塵形墨池梅月橫斜影筆海龍
蛇變化靈懶草和蕃興聖殿山陰歸寫換鵝經

右謝我
敬研

次白沙韻兼呈石樓

霜菊猶鮮未放秋病中難得判清遊暮年賓館歌

彈鋏故國烟波夢釣舟政爾處囊安足詫假令留
舌亦堪羞意微白傳吾誰與八節灘頭有石樓

聞葉相求去益力復次前韻

累朝勛德荷恩私名姓寧教宦妾知令尹三辭無
乃固中書六考未為遲天灾疊見仍師旅板築方
興又繭絲天子正殷弘濟望午橋優樂恐非時
爵祿未論宜可辭忍忘天下累基危周公繡袞歸
何遽鄭國緇衣弊改為廊廟風猷增局面闕城料
理重藩籬都門一出應無計况復精神不耄期
讀書有感

末路期期師聖賢讀書林下送殘年不如意事什
常八每見人能百倍千北學淵源應有自東歸衣
鉢豈無傳龍門餘韻如將理為擬煎膠續斷絃

謝石樓

病中獲奉和教不啻流地於趨車脫
熟若未始有度者謹依韻錄呈以賜

興餘

除却山王只五賢酒中為友共忘年猶嫌蜀客囊
留一不論燕京斗直千歡伯本無名可記醉鄉聊
有俗堪傳何時舉白身長健戲唱新詞和雅絃
屢承和教欣幸多矣謹走此錄似竊冀斤教
誦詩專對愧前賢客裏歸心日抵年為問滄溟風

五兩何如遠薊路三千秋來空有相思夢鴈外還
無隻字傳虛館寂寥門又鎖坐看新月幾回弦

病起偶題

松栢貫四時受命獨也正蒲柳望秋零稟性有所
定嗟余寡道氣衰年轉多病死固不可讓生亦不
可倖偶躍大化爐人而豈非幸持此欲勿失詐達
委順命法法萬物趣流動恒喪性平生用意處只
箇了逆境動忍置在此約之貴虛靜寸心常不昧
窓月吐罔罔

燒香宴坐

愛香乃吾癖况此居閑適烟裊晴窓飛燼飄柴几
滴暗聞袖裏薰徐觀鼻端白門掩月黃昏孤山傍
籬落

詠禮部堂前栢

亭亭貫却四時青非檜非松挺幹貞受命於天獨
也正托根于地直哉清扶持自得神胆力締構要
者棟宇成柯葉如雲隨日茂常承雨露九霄頌

次白沙韻贈許指揮用吾也吾伴送許選子
登州靜海衛人

能通經史
少時業儒

親朋消息斷知聞此地開懷賴有君搖落一年相

伴住羈危萬里共辛勤飲遵鄉禮情偏狎耳憤華
聲語暫分謀振客中觴豆窘却慚行橐欠錢文

敬次奉謝兩使案下

形骸分屬各三人肝膽相通若一身閑興頓踈棊
酒久清光頗阻笑談頗乍違雖切當時戀莫違何
如晚景親我有朱絲慳不設今朝為拂匣中塵

咏白菊

張翰風流五百年江湖亦有散人篇黃裳元吉雖
無比素履幽貞本自然但取凌霜同格調休將露
面妬嬋娟台軒不敢尋常到謫降瑤臺第一仙

張翰黃花句風流五百年李太白詩江湖散人陸龜蒙賦白菊詩

次白沙韻

霓裳舞罷曉霜寒絕勝沉香倚北亭甫里清新傳
句法靈均孤潔著騷經露和玉屑金盤冷影蘸銀
盃竹葉青朔吹疑嚴蘭蕙變湖山何處有芳馨
東還葉葉幾回零種汝端宜七寶亭準擬瑤臺看
伴鶴何如簷蔔坐翻經薰衣荀令芳逾烈服玉仙
即髓換青相對略無脂粉態朔風披拂有餘馨
寒英抵死不飄零晚節耽看蔣敬亭履素居貞無
悔吝坤黃比德可權經趁風正合師溫雪據厠何

妨見衛青欲療騷人長頗額等閑輸與枕幃馨

溫白雪子出莊子借用言雪衛青指冬青也

象卉無端一夜零孤芳獨秀鎮園亭冰分江夏添
同譜名擅瑤英籍素經要洗淡粧復月露欲描真
態讓丹青形容漸變騷人槁想紉秋蘭佩舊馨
故園東望四千零托地那無半畝亭玉色分明儒
雅傳冰肌彷彿凍園經裁團魯縞輕英嫩剪薄吳
綾小蒂青獨抱餘香猶抵死不須招倩返魂馨
歲律將徂百草零商音寥亮振柯亭清和氣稟兼
夷惠坤兌天機備緯經臆理霜凝宜練素精神玉

潔便藍青曉來除却莊生夢蝴蝶焉知分外馨
眼前蘭蕙恣凋零獨與秋香伴此亭桃李息光全
不識風霜消息飽曾經仙粧迥脫調脂澆粉面休
嫌素黛青玉腕想應同玉塵世間何物孕寧馨

晚與王塵同
色用王行事

自歎蒲柳望秋零為爾治樓脫節亭素女欲携歸
月殿王妃要伴對珠經緇塵不許仙衣澹蘭室增
明道眼青敢擬人間真富貴絕憐潛德有幽馨

合詩有人間富
貴之語故及之

不逐浮榮共墜零家風隱映聚星亭香緣今果由

根性白業前身定度經每遇封姨通雅素忽猜霜
女報新青時携紙被花邊往清夢頻和一段馨
霜風吹帽鬢毛零強對名花亦旅亭點檢詩囊無
警句矍眙書篋有殘經生前幾箇吟吟白身後幾
行汗簡青我欲忘憂復泛彼滿斟醺醪嚼寒馨

梳音

詠榴

中含甘露液外剥老葉班遮暑珍皺薄填房玉顆
寒要除心火候仍作掌珠看想得霜園鑄何緣釘
酒盤

燕山雪

燕山十月雪漫天
弊裘獨吟真可憐
借得誰家紅叱撥
校彈走過金臺邊
暫醉胡姬賣酒肆
歸來遺却珊瑚鞭
寒驢灞上冷如鐵
笑殺襄陽孟浩然

軍官柳敬地年千壽
還自鄉國得見家書喜

而賦之 丑明 初昏

即見牙官柳與年鄉書
一徹火急搜 朝廷萬福

邊無警家室都安歲
有秋却驗燈花先報喜
幾憑

魂夢輒形憂生成便荷
君恩重望 闕焚香為

磕頭

復疊前韻

楓岳真遊誰與年
崢嶸山骨任冥搜
泉飛洞壑綠蘿雨
路入招提紅樹秋
聽偈自知無俗念
觀空應悟有身憂
吾衰却欲從公去
一嘯毗盧上上頭

前聞白以欲於明秋往遊金山
剛故及之吾患有身本老子

補衡搥鼓着岑年
腕略豪材未易搜
遂有文章驚滿座
更無毛羽保殘秋
可知中散多才累
不獨東園駟馬憂

歸及春風復剪竹
短策烟月釣槎頭

回悅幾日發東年
越橐蕭然莫怕搜
此老肯中收汗馬
他人皮裏有春色
占令尹三無愠
期報尚

書百不憂早晚省家南去日可能携酒漢江頭

期樂尚書用陳遵事吟尹指
石樓台鑑尚書白少賦街也

戲擲檮蒲犢變年資亡甌石愧奇搜英雄也有輸
閑着貧賤能無肆志秋我道本來窮亦樂人情底
事喜無憂還家正值梨花節試覓長杓酌甕頭

次白沙韻

披衣起坐尚精神翳月薰窓漸欲晨想得朝廊要
待備隔墻呼唱有官人

石樓相公戴孟浩然巾賦此奉似請教

身被王恭望頭加浩然巾雪中宜物色庭際覺精

神晉宋之間容羲皇以上人石樓何處在吾亦出
風塵

伏奉和教不勝欣幸謹奉此求正

短褐雖長夜猶傳舊幅巾生前道酒債身後祭詩
神灞上騎驢客樓中咏雪人千秋同氣味可以躡

清塵李向鑄賈
島祭之

次白沙贈丁仁信韻厨房通
事也

老夫何所要名畫與名書聊付一過眼敢言奇貨
居右軍誰入室松雪特題興此外渾閑物餘無可
動余

同行幾箇好通官恭謹阿誰與甬班魚味不過惟
違口素餐無補若為顏相從生死安危際敢論尊
卑貴賤間題贈他年為面目你歸京洛我雲山

咏橘

物色驚人祇可傷洞庭千顆迴添霜金包錫貢來
南服羅帕分珍出尚方遊子永嘆懷裡落小臣曾
記御前香嘗新萬里徧多感不獨靈均頌后皇

曾參宣廟朝侍從故及之

喜葉閣老詣闕詩以識之

沙堤華轂映文茵加額爭瞻玉立身所慰朝中扶

善類肯教君側有檢人老成去就關時運談笑從
容靖虜塵行看泰山尊國勢不勞聲氣儼岳紳
披雲覩日擬天晴舉手難任喜氣生四海正殷如
渴望三韓尤切向陽誠賀儀特齒千官列查事嚴
催十月程都在相公旋斡力期期奉勅出皇城
曾上閣門幾本辭方今國勢器欽危事機易失將
誰責主聖難逢大有為未靖滇黔規蜀局纔恢金
復整關籬朝朝賜對天章閣海內治安指日期

時安奢二首冠縣中川蜀驛然東虜華金復二州方議守城

國事方殷敢顧私遭逢自古貴相知危機正甬頑

奇着拙速從來勝巧遲可是遠人依德宇將何微
烟報毫絲區區茅祝公多社要見功成告去時

天啓三年閏十月十六日 皇子誕生頌

詔賀儀退而識之

霓旌影拂玉闌干御座先排黼宸間 天子親臨

皇極殿鴻臚引詣侍臣班仗舒金水香烟簇鳳下

承天綵詔頒自幸遷駕同賀燕雲開雉扇望 龍

顏暄 楸楸 詔 皇極門外是

題寢辟

一間障作半間房前面皆窓受夕陽眠食自由從

早晏公私隨分任閑忙酒罈乾沒招茶撓書卷橫
縱掩藥囊萬物羨廬元是客道還何處不吾鄉

盛酒小紅華
人謂之罈子

奉次石樓韻

議禮如聽聚訟言年來辨請幾遭巡曠儀正合頒
時定盛事分明有數存直為藩邦造地專家闕
部曲成恩猩袍濫則千官列圖報惟將寸赤循
法服加身寵若驚隨行非直為觀榮一家四海同
文物千古三韓困弁纓蒼玉姑斬雙佩重猩袍恰
襯六銖輕小臣伏地無他祝萬有餘年在鎬京

偶以無能仰使才轅駒徒往又徒回丈人試聽匣
中韻賤子敢彈冠上埃即此叨逢千載會前頭恭
賀一陽來同時何幸沾恩渥手捧 皇綸五色裁
千官肅穆絕譁言嚴警金吾徹夜巡禮樂正由天
子出豆籩不曰有司存猿狙被服寧非僭蠖蟻含
生稊是恩報答乾坤無所惜此身微眇復何循
雷聲廣樂蟄虫驚季札觀周不足榮所幸紆朱仍
表著何須鳴玉更影纓鄭張失序虜遺迹滕薛爭
班懼見輕文物改觀千載盛天浮喜氣達藩京

禮堂不准朝服而許以
紅袍入參賀班故及之

妙歲皆稱華國才位名雖極亦遭迴周流蓬島三
千里馳逐燕京十丈埃明月解從滄海上長風吹
度玉關來歸檣正值春冰動 帝筭應頒數錦裁
天啓癸亥閏十月念二日詣 朝天宮參冬
至初度演儀口占近體一首錄奉兩使案下
琳宮瀟灑樹烟霏星斗踈明燭影稀長至俯臨縣
絕肅千官跪起珮聲飛羣心頌賀三陽泰衆口同
辭萬壽祈莫歎儀章無措笏大官還有衣紅衣

是日以紅袍入參而班
有玉帶紅袍者故及之

翌日參再度演儀復用前韻

寒生宮樹歛殘霏
鷓鷯盈庭滿聲稀
奉禮奏香晴
霽合糾儀我多晚
霜飛默存心眼
隨時習祝上岡
陵稽首祈既畢
正伸餘敬地退歸
何敢拂塵衣

中朝以禮畢拂衣為不恭故及之

宮瓦蒼蒼曙氣霏
廣庭冠佩看漸稀
扶搖敢望鵬搏擊
屈折還同鳥數飛
漢話不須憑象
香華封徒切祝伊
祈三韓未必無
人物白首蹒跚愧
繡衣

荔枝

聞說交州荔子丹
過時方得到長安
蠟丸差比龍睛大
蜜膜還疑馬乳乾
怙悵六年添客淚
塵埃一

騎破妃顏瘦
人不解蘇仙品
却把紅鱗一樣看

六年峴嶂荔枝
紅本山谷詩句

象

午門仙仗入象亦
備朝儀宰地拖紅
蜀頭受赤羈露牙
森可怕伸鼻縮還
奇馴擾無狂性吾
曹日狎隨

鸚鵡

公子調鸚鵡
雕籠掛曲瓊
玲瓏偏巧語
慧詰更多情
甬自隴西至
吾從海外行
相看兩憔悴
莫作向人鳴

猿

清秋巫峡內落日弋陽西有客千行淚聞渠一夜啼燕雲身更苦楚岫夢還迷萬里露雙袖非關哭瘴溪

咏暹羅國人

暹羅本二國種出赤眉餘取路陝西界來朝永樂初袈裟惟蔽體拜跣尚隨臚莫怪難通話憐渠不識言

咏回回國人

累頭全正帛垂耳兩重環採王翰天府携青過市

關希雷中國賞來詣外夷班苦道囊金盡經年未得還

咏大寧衛獫

大寧倫桑後難以守全遠朝貢時雖至凶獍動輒搖與奴通款密市馬索償饒安得漢飛將襄平一戰塵

索馳

形模異毛羣初看猶可愕峯起肉是鞍頭長頸如鶴駘實過沙磧擁鐸時鳴圖吾聞東征時此物隨鼓鉞陣前載戰布碯墜背上發燔巢賊失據兇壘

從此按番誕出翠釜有肉那忍割

參冬至賀儀

萬邦冠冕拜明堂步步彤庭韻水蒼日繞龍鱗天
北極雲開雉尾殿中央山呼競逐潛雷動宮線初
添瑞景長中國聖人當道泰羣陰將伏一爻陽

奉次石樓相公贈馮字官張應善之韻因以

贈之

客枕時嘔夢未圓八簾殘月夜如年知集隔壁猶
張燭為爾開窓更看天別後此情須省得世間何
事不茫然中朝近日多聞見分付回程續續編

作客燕山歲月多鏡中霜鬢奈吾何焚香讀易恣
麼坐啜茗談詩隨意過家在日南孤夢濶春來海
上片帆賒他時便與爾曹別歸覓水溪舊釣蓑

聞洪畿伯樂夫俞羅牧而省兩兄訃音以詩
哭之

餞別京營如昨日燕雲萬里哭君時纔聞真報還
疑夢欲馮哀辭更寄誰新政保釐分陝重清
朝物望秉銓遲近來同掬凋零甚白首傷懷詎有
涯

丁酉年中釋褐際先朝執戟各飄零錦城曉日

眠衙鼓水岳春風卧竹高君已名高循吏傳我今
聲劣少微星死生萬里後茲訣江漢何年吊有靈

典而省 宣廟朝共
為騎省郎 故及之

守庚申

三人辛苦涉滄溟牢鎖烏蠻閱幾箇日值庚申同
五夜星周甲子各衰齡穢虫潛伏將誰伺上帝聰
明不汝聽祗為暮年身萬里白頭談笑對燈青

次白沙庚申韻

離人相伴坐萬里未歸時睡本緣愁少辰還與老
期移燈傾細酒呵手斂殘棊假寐仍昏醉三鱖任

汝為

天啓三年冬十一月丁巳朔日南至 皇帝

有事南郊敬賦短律以寓微志

癸亥仲冬朔郊裡親 聖躬冕裘垂法輅仙蹕下
天風濟濟千官合駟駟萬馬後蘭湯薰浴殿銀燭
皎齋宮對越心無間嚴恭道乃融雷聲聞夜半斗
柄指昏中羽蓋承玄露鸞簫響碧空真疑純不已
誠積感而通祖稷思文盛皇乾主宰崇一陽交運
泰千耦頌年豐德協三靈洽功參列帝隆華夷奔
執王宇宙震呼嵩海外逢殷禮周南滯遠蹤陶範

用爾粟能與古儀同

天壇宮名曰皇乾郊天以其祀之因以祈穀出郊祀志

冬至

乾道貞元際人心惻隱端藹然生物意時向靜中觀

聖節初度演儀

初八日

宮陰漠漠雪霏霏日出鷓行密更稀韶曲想應儀鳳下爐香散作彩烟飛多男茅切封人祝求命方勤保奭祈顧影自慙叨繡易故山長憶薜蘿衣

奉次趙花川令文述懷三十韻

乘槎殊節使賞奏和申洞辨科臺署庭參閣部

臣擔當要出力挺立忽忘身歎血招諸客同心契
二人行查汪將緩索票畢即噴海桂弦圓屢階奠
落厭頻真同空谷喜况與令公親劃作挑燈話都
忘伏枕呻阻顏封館日連袂演儀晨懷鬱頗開曠
眉愁倏展伸叨逢千載會共賀一陽春肥瘠寧秦
越亡寒本薩唇徵兵諸省急加筭九州貧雪恥須
嘗膽臨危正卧薪風便占逆順道里異平均積水
龍宮滙危闕虎穴隣差池為二起邂逅竟同臻天
漢仙槎路并州渤海濱嘉陵紅淚濕秋浦翠蛾顰
臂約同心結釵分半股銀歸雲爭落日殘月印晴

曼清漏聞將曉微病卧浹旬窓曦朝上澹庭靄夕
生氤穴榻披青簡巡蒼岸白綸靜慕功妙與閑作
意清新蓮鐔空開匣水微待拂塵龜腸與世忤魚
目混珠真喜飲長齋佛苦我謾祭神排閭如可叫
瀝血且須陳指日同浮海聯翩拜 帝宸

再次

西厓門下士獲侍讌居申宥密經綸業翹英獻納
臣乾坤收爽氣江海寄孤身共作燕中客相逢嶺
外人鄉音聆可喜儻俗見堪嗔坐倚烏皮穩燒香
燭跋頻戶雄求與敵觥大索須親觀者嘲還謔病

夫怯欲呻庚申邀守夜約束聽司晨智老張先翁
機深屈始伸燕歌追易水郢調護陽春莫使愁銷
骨當令味入唇酒星年命直鯨鯨吐吞貧醉眼朱
成碧華筵蠟代薪後先差或間辛苦畧相均朝賀
聯班序東西館接隣邊機一日急查報幾時臻久
厭喧煩俗長思寂寞濱每存捫舌戒焉效捧心顰
柴水常論價衣冠亦愛銀懷柔安率土覆燾仰蒼
昊越氏重三譯苗人格七旬大明昇赫赫妖稷豁
氛氤樹德頌鳩曲疏榮降帝綸藩屏斯既鞏邦命
亦維新粉骨圖酬報深心奉剝塵因詩抒情素於

酒見天真落託身無累昏冥興有神風波仗忠信
膠凍重雷陳共荷王靈大相將謁 禁宸

燕中述懷復用令韻錄奉案下

獨醒漁父莞悻直女嬃申雨露逢 新政風波假
憲臣略無幾見面安有膽通身停權眠蛟室扣舷
聽木人忽生關禁梗仍被海防噴舌謚言詞拙死
高走謁頻情於伴送昵語向僕僮親遠夢臨歸怯
酸詩帶病呻鳴柳滴水夜聞漉灤泉晨勝景多延
行名區一欠伸佳人金縷曲才子沁園春樹色迷
京口河流入海唇猶牽懷土恨長憶在家貧 上

國攀仙桂清時免鬼薪已將榮辱一未識死生均
所幸如雲集隨緣作比隣興闈悠爾去情至響然
臻有志歸盤所同期老穎濱宦連官長罵不怕吏
人聲香稻新炊王金盞細膾銀游從處士陸題贈
上人曼飲萬千餘酌暮三百六旬狂歌聲驟頃醉
眼氣紛氤水岸樓禪榻花川理釣綸補籬松迸長
穿砌笋抽新且進盃中物肯彈冠上塵但能生處
熟應了俗為真元亮樂天命老聃存谷神請于愚
伏質母曰賤夫陳野老無他祝焚香稽 遂宸

聖節朝回口號

宮雲曉濕雪初霏翳月朦朧人語稀聲散玉珂風
處切影侵銀燭暗邊飛彤庭振鷺千班合慶節流
虹萬壽祈滕六有情添瑞色罷朝猶點謝莊衣
伏承和教諷誦之不足謹依韻錄奉台案

復次

每年朝王帛賀節屆天申使价非輕選 朝廷轍
重臣天青迷鵲翻浪黑暎熬身月落眠舟子潮生

語榜人要為風伯頌偏向雨師嗔衛岸歸帆緩楊
河見驛頻防身孤劍在照慢一燈親客夢愁邊覺
鄉音病後呻長蘆篙轉夜獨浦槽過晨逝矣隨行
止時哉可屈伸履長朝至日頌曆首王春旅態看
情面華聲效齒唇莊生能達命榮叟貴安貧憶種
門前柳思擔澗底薪參差先後異辛苦道途均酒
戶雄難敵詩盟屈作隣寬和人愛慕愷悌福來臻
醉哭金臺上狂歌易水濱薊門吁可怕榆塞語堪
顰已匱司農粟頗調太僕銀未除招獬虜徒籲疾
威旻肉味忘三月魚瘡卧半旬吐霓紅鬱勃衝斗

紫氛氤撫院該題奏台臺奉綉綸日星名義正雨
露寵榮新御水遙通漢河橋淨拭塵歸程長短熟
遇境盡圖真焚幣祈隍廟操文祭海神此情俱可
錄餘事不須陳方丈三韓外天文仰紫宸冬至無
聖節使

故用賀
天中節

依趙侍郎令韻奉酬任書狀雅史

于役何多日懷歸類戍申倚閭君有母去國我為
臣夢裏垂雙淚天涯吊隻身悠悠空度日碌碌且
因人着處多需索隨方雜喜嗔煩言寧避數長跪
不辭頽貌與周郎熟情隨葉閣親歌非彈鋏陋病

是執圭申明燭觀書夜趨朝待漏晨事無難處易
機在屈中伸短景催殘臘新陽逼小春整襟調鶴
膝拂袖撫龍唇但檢奚囊富那嫌越橐貧黔師望
楚餉關將殞塞新兵結漠遠久計窮戰守均 中
朝存大體一臂托東隣苦盡甘方至憂蠲賀始臻
雅賡皇矣武耕雜渭之濱破滄時回笑迎懽更展
顰鹿臺須散粟瓊庫不需銀興實治同道亂非降
自是儒風扶正脉妖說息波旬金殿皇風穆雲樓
御氣氤敢望登菌閣只冀捧芝綸開闢乾坤正挽
回氣象新盃心傾綠醕衣上拂緇塵歸路翻疑夢

登舟定是真生涯雖瀆倒詩句却精神文物三韓

盛箕疇萬古陳遭逢千載會歌詠九重宸佛家謂

旬說東省白蓮之變故及之黔師七營直逼

水西楚餉不至將有潰還之憂又榆關參將

王盈採修城密薪於仙靈

寺為西虜所殺故併及之

奉次趙花川開元寺逢雨韻以遠客坐長夜

孤帆落寺門古郭炊煙晚枕上夜來聲蕭疎憑近

遠祇林在近郭不用登山殺半夜話無生懸燈共禪

客

長路何時窮百年強半過何如脩竹林長隔抱琴

坐

夜雨閉秋寺殘燈眠上方明朝看白髮箇箇綠愁

長

明珠出南禺蘊此連城價衢路莫怨嗟時時光照

夜

乾坤一旅亭何者為賓主萬里百年身悠悠今夜

雨

輕槎汎銀潢何處是玉京牛渚浪花帖惟聞風水

聲

別日耿難忘稚兒泣且扶誰知古寺雨愁對一燈

孤
莫把淺深愁量他東海水是身如幻泡偶到開元

寺
元戎駐海閩幕下運奇籌聞道榆關外虜騎政乘

秋
查官不待回部裏已題請早完 冊典歸一國臣

民幸
客路一何長客愁不可量天時有否泰消長者陰

陽
城古近不夜地雄海岱東誰新唐代殿金碧耀葱

籠
渤海尚安流風波之宦海有涯從無涯莊叟亦云

殆
腸斷秋浦猿淚滴嘉陵水何日齊山亭朱欄共並

倚
倦客眠方丈楞伽也不省應知食宿畢明發逐征

鞍
冉冉長途間危機還自取平生馬少游吾與爾為

且憑酌淺深莫問愁深淺努力更加餐非關風土善

心 凄斷空階雨僧廊夜向深愁人正不寐一倍是鄉

可憐雙飛燕盧家有莫愁且入尋常宅何如巢石樓樓詞有兩婢絕妙石樓請之故戲及之

奉次石樓題提督廳後堂韻

粉署新修景物加照墻紅日暈殘霞西山爽氣來虛閣北闕晴雲覆御河蘭省放衙分務簡石欄拈筆寫詩多滿庭松檜陰陰裏步屨疑尋吏隱家

粉墻西北夾城通重闢華堂九几容鑪燄香薰詩筆下庭松影落酒盃中林端月魄升初闕御苑砧聲急暮春可念蕭條身萬里莫辭提榼暫時同

奉次石樓相公贈花川韻

萬里滄溟正淼漫百年身世付槐安偶逢談笑形骸外猶怯風濤夢寐間關路望殷披草莽輞川歸及樹檀藥客中一醉真難得台席雍容禮數寬

王摩詰輞口莊亭後有檀藥數株

再次

處處屯兵戰鼓漫賈生無滄策治安高談白馬西

關外空閃朱旗壯斗間秦地河山誇絕險漢家宮
殿壯重巖誰憐萬里烏蠻客獨坐中宵強自寬

重巖出
西京賦

登萊東望浪漫漫關上烽烟少報安查信渺茫滄
海外陣雲橫斷劄遼間周王繼序思文武晉政多
門戒卻藥聞道西戎戎漢將羈危那得寸心寬

奉次白少醉題韻

屢吐台茵幸見容紙窓吟對篆烟濃醉中豪句神
應助醒後狂言禍所鍾聚散本來難預料人生底
處不相逢莫言京洛追隨隔鴈外那無一字封

醒時猶對醉時容興味偏從淡入濃誰喚金盃添
綠水自慚牛鐸叶黃鍾三生緣愛非虛幻萬里悲
懼豈偶逢祗願殘年無事飲封留那似醉鄉封
婁公盛德我包容奈此樽前醉興濃暮境羈懷難
斷酒少時狂態憶呼鍾青絲織手誰家送白髮新
年客裏逢共沐 皇恩期不遠手擎綸閣紫泥封
輝輝晴旭淡雲容異國春光日自濃萬里行藏真
潦倒一生伎倆太龍鍾尊前故唱燕歌別關外難
期楚老逢擬和杜陵多感慨劄門何處覓堯封
一榻三人坐劣容欹斜醉墨淡還濃氣衝牛斗知

惟煥意寓我洋恥者鍾萬里艱難同逆旅一時
恩渥偶遭逢僻統縱有微方在鸞枝何心裂地封
誰憐浮海邴曼容花正濃時歸興濃眼裏分明南
省路耳邊窸落午門鍾青樓絲管尋常聽粉郭烟
嵐幾處逢共轡暫迂齊魯境歷尋秦漢故登封
風神頌座想雍容膠漆交情晚更濃暇日共圍清
畫局早朝同趁曉時鍾然明一語聊相合光範三
書願未逢但識荊州無兩顧人間何羨萬家封
紅潮生暈上衰容正借春光滿意濃荷得劉伶惟
一鍾量非宣聖輒千鍾酒星無乃生年直醉日後

他命限逢不願人間虛食邑醴泉於我是真封
白圭三復愧南容政坐盃中琥珀濃時或銘心觀
酒誥還同掩耳竊人鍾天生勅敵惟當避我保殘
齡不願逢聽得公詩津滿口殿頭扶出醉黃封
年光何處最先容近水新揚態漸濃詩就玉堂纔
擊鉢罰依金谷便浮鍾 恩綸指日須完降和訊
當春恰好逢行盡東南千萬里 聖朝方信廣提
封

正朝初度演儀口號
字韻
落月中庭玉露霏千官齊到佩聲稀門搗鞞韜奔

隨從陞衛森嚴擁仗飛執壤幸逢千載會呼嵩實
為一人祈春風催暖暑蘇酒要見宮籩畫袴衣

正朝再度演儀口號

庭燎煌煌香屑霏千官齊到燭未稀猩紅自詫遷
鶯羽雪白堪矜振鷺飛拜舞渾依臚賚畢山呼便
作漢音祈遙知北闕優恩渥隨例蒙頒在笏衣

敬亭先生集卷之七

敬亭先生集卷之八

詩 燕槎唱酬集下

醉時吟

聊爾之乎者逢場酒後慕著於無著著為以不為
為立論雖崖岸行身本坦夷莊周去已遠恨不與
同時

奉次石樓韻贈李星山長培

故謝

余與石樓喜飲
星山俱戒節飲

多生宿習似藤纏五斗方資氣卓然一錘便埋劉
子日初筵幾悔武公年清狂易發懼情勝故態難

忘醉興牽幸佩良規真藥石銘飭直欲敬言吾前樂

聲

次白沙韻贈李星山

新年長憶夢中家斗覺霜毛一半加強頌椒盤酬
焚俗纔傾栢酒聽燕歌喧催御水冰初動暖八宮
梅日漸和想得 皇恩春共至回槎無滯渡天河
千古三韓馬弁辰年光萬里一回新宮雲淡覆秦
城曉桂檝輕浮漢水春仗外爐烟昇瑞靄池邊柳
線拂香塵煌煌鸞詔從天降蒲郭東風喜色津

上畢主事次白沙韻

南宮清切號仙曹壯館分司物望高故事握蘭推
妙選新恩賜被荷榮遭四朝寅亮傳周畢一頌中
和擬漢褒况有光輝聯鞶鄂天津度節寵賢勞主事

大司以天津官餉戶部侍郎
新陞右副都御史故及之

儀曹清選亞銓曹題柱仙郎價益高每向筭班驚
玉三曾於林館賀丘遭端親特出千官表廉善難
容一字褒萬里神交從此始幾回霄漢夢魂勞主事

重修北館煥然
一新故併及之

次白沙守歲韻

萬里悲雙鬢明朝又一年老隨春共至愁與夢相

牽最惜將殘臘頻看欲曙天屠蘇雖強飲不敢在人先

敬次石樓朝天宮演禮後醉歸五絕

羽蓋聯翩絳節朝笙簫遙返碧迢迢雲軒一別無消息天外三峯削出高

端端聞住善和坊寶瑟初停掩洞房若唱艷詞傾羨酒此身忘却在他鄉

禮罷仙宮曉漏稀西山飛雪點朝衣涵前詩景描難就路直天街信馬歸

嚴朝同過室羅城並轡仍為一字行不露文章驚

四海莫登禪塔強題名

天涯為客髮俱蒼合眼無時不故鄉遙想登萊春訊好風帆安穩過滄茫

奉次趙花川除夕韻

以恭館誰相問寒燈獨可親全篇四十字為韻

少時更歲除不辭古人語豈意遲暮年烏蠻是逆旅

朱樓十字街剌唱逐清管遠客坐寒更燈清雪滿館

誰 藍尾到君手莫停金屈危豈不從人得吾今賣與誰

義和鞭日月有衣促而忙超忽感年華人非金玉相

翳翳燈花垂迢迢更漏聞視夜夜何其呼兒為數

問

惟殘雙鬢白不改寸心丹憶昨阿咸宅銀幡巧奈

寒

默坐忘言語真如入定僧心香燒一字暗爐飄龕

燈

耿耿伴殘缸紙窓明雪屋新詩不厭塗小酌還宜

獨

萬里坐長夜百年計已左山林與鼎鍾何者為吾可

燕地逢新歲天涯一愴神相從萬里遠惟與僕僮

親

今年五十四明曉却添一假令滿百年四十五回

畢

百年過強半明朝又一年只怕殘更盡今宵政可

憐

至人心若水無迎又無將問爾夸毗子胡為獨遣

違

人生如礪石磨盡石亦盡三四朝暮迷群狙妄喜

念
臘日當三十子前一刻夜試唱玲瓏詞黃鷄倘假
借

一餐固有分云胡錢費萬功名醉百年不直卯時
困

市
虜騎寒襲平榆關六百里荆卿劍術疎莫謾悲歌

味
故國別多日親朋安也未福酒之濃孟春風猶臘

飛
三月嘉陵路春光未盡歸楊花如雪白飄蕩惱人

辛
寒落烏鸞館羈危萬里人故鄉東海外歸檝轉酸

梢
故國經年別音書謾寂寒橫窓小梅樹應發向南

莫
誰登百尺竿失勢千層落世路多險艱休休且莫

為
路歧君莫慟素絲君莫悲南土與白黑曷足嗟嘆

上蔡嘆黃犬後車不戒前何如畢茂世簞衣卧顏

然

歸及故園春南疇將有事悅仰宇宙間吾行可以

止

春光歷下早挑杏染臙支醉倒百花上橋流鶯復

在茲

分手易前期少時輕別離安石能無累中年祇自

知

吾亦愛吟詩詩成還自笑小技工無益何能禪大

道

客懷悲未央鬱鬱久居此東年在何方却望并州

地

浮生元是夢况乃夢中身請觀非幻處那箇本來

真

今既不如昨後來後可知况當為客日倍覺去年

衰

徐市載秦女文成食馬肝飛繩難繫日誰復駐來

顏

斗柄橫西南曠曠天欲曙玉繩低建章耿耿吾誰

與

夜寒更漏促誰伴苦吟窓風燭泣餘寸詩成押韻

雙
半生在五園濟世無奇蘊書劍老風塵素絲被兩

鬢
林鴉散列炸不似故園情阿因平安否憐渠坐到

明
駒隙嘆流光轉頭容易失盛年不再來可惜是今

日
此日足可惜良宵君莫負富貴尚可期盛年難再

又

問渠鏡裏翁何處著衰容儂今即是仙莫恠兩相

逢
江海平生志漁樵寂寞濱桃花流水遠倘訪武陵

春

分韻四十字太冗恐不若一年將盡夜
萬里未歸人二十字之簡切幸諒之

正朝禮罷錄呈兩使案下

皇極門臨金水橋日光搖眩御床高內頭已放宮
儻隊仗外初環衛士刀奉闕傾心當守聖催班爭
目出群豪孤臣何幸逢千載三
八彤庭望赭袍

玉燭調回氣候均龍池柳色望中新春秋一統王
正月天地三陽歲首辰金殿垂衣真聖主玉墀鳴

佩揔賢臣休煩太史占雲物早報遼陽掃虜塵

奉贈冬至使趙得和令丈

穆陵關外弊貂寒白璧轉空游說難若得千金猶
可動餘非寸舌所能完共圖 國事無他技各盡
吾誠即一般想應忱辭俱激切庸人元不在多端

主密司需索人情行橐已竭東館
通官革求助于西館負從故云

奉賀白沙壽辰

甲子正月二十日

孟陬初度斗杓寅梅柳光陰淑氣新富貴文章公
所有康寧壽考我方申門前籠鶴尋常事海上偷
桃第幾春萬里無雲同此席小生元是榜中人

奉酬白沙和示壽辰韻

靈均初度指庚寅徒賦離騷怨恨新在位幾遭靳
尚妬居家頰困女嬃申爭如繼世台垣座兼並連
枝棣鄂春福應三槐猶未艾如公前古更誰人

奉次石樓台韻奉似白沙令案

壽杯波暖壓春寒勝宴初開併二難彩藻巧爭韶
景媚豪歌偏助酒酣歡一年值節公多社萬里同
觴客並安餘興未央還秉燭主人留飲夜將闌
春催梅萼細含芬報喜先翔彩鸞羣盧橘金丸閩
嶺外洞庭春色楚江分持杯苟勸情珍重秉燭留

歡謝繾勤欲獻壽星無盡手拙詩還愧野人芥

用前日戲言奉答趙花川

疊升兼三五知非買妾年老來殊索寞醉裏要扶
牽燕舞桃花雨鶯歌柳絮天阿誰同此樂白傳在
吾先

世事元無定紛紛一局碁所爭關勝負烏得省營

為仁義非揚墨清和不惠夷須看齊物論妙在淺

深時古人謂烈酒為齊物論

謁國子監

魏魏聖廟鎮皇京千古絳黃間瑟笙魯頌鼎成卑

制度漢橋環聽盛文明瞻前忽若陪函文當座依
然夢奠楹杌恠講堂絃誦絕蒲城禪院鼓鐘喧
吾聞夫子道廣大盡精微禮樂為宗主皇王在範
圍梁摧歌寂寞楹真夢依稀詠罷春風裡還同點
也歸

天壇

三清樹色隔人寰宮鑰初開洞府寬五帝祠壇雲
影合九天仙闕貝光寒 皇輿至日躬圭幣 御
座當時面玉闌彩筆自慙干氣象白頭重到詫奇
觀

聖皇齊配玉皇尊羽衛森嚴擁百神帝力雄奇伴
造化宸心對越體文紀朝回絳闕圍香霧禮罷玄
壇墮月津器用陶乾儀尚質講明前古在儒臣
巍巍功烈垂千古郁郁文章冠百王儀取軒轅郊
帝響制羔壇屋象穹蒼群靈颯爽從歡享一德昭
融降福祥不已原同純亦妙法天要在法 高皇

恭遇

宣祖大王忌辰謹賦一絕以寓悲感

寢園濡露八新年 龍馭如今益杳然萬里孫臣
空洒淚風吹難到 穆陵邊

石樓以萬里碁逢敵手難請余完對對以百
年人得同心易石樓亟加稱賞遂完篇奉呈
伴槎之行不等閑天教吾輩釐文歡百年人得同
心易萬里碁逢敵手難榻裏莫嘆亡一皓局邊猶
喜有傍觀也消描八龍眠筆歸卧林泉仔細看

聞黔師奏捷

中原萬騎繞滇池鳥得名酋太白旂廟畧如神收
勝美將權歸一奮兵威焦頭未論移薪計迎刃方
乘破竹機走馬不須來索賞薊門方惡羽書飛

時五
路進兵水西皆受節制於撫臣
王三善告捷索賞甚惡故及之

文書集卷之二

次白沙石鼓歌韻

昔年曾讀石鼓歌前揖韓公後蘇子周宣獵碣至
今存重是移為孔廟器誰云姬轍八春秋玉不稱
天大夫字陵遲已極奔彘初一線文武幾墜地奮
戈當日屬英主有截淮土夷喙矣東漸西被聲教
暨日月所照霜露墜兔狩岐陽講武事伐石因垂
歌頌羨辭類風雅字籀文奧妙古勁斯兩至豐功
偉烈托不磨誰謂文章一小技照人耳目如昨日
舞蹈咏歌宜興起我雖好古生亦晚更後二公千
百祀偶曰觀國兩度至摩挲滂沱宛相似當時篇

什為可考車攻吉日同軒輕見遺編詩豈有以闕
文何幸猶及史况其筆書森劔戟水斷蛟螭陸斷
兕蒼頡茫昧無可言下逮冰斯皆屏避嗟哉棄在
陳倉野乃與頽石同齒齒移諸鳳翔遷于燕在唐
中葉前宋季 皇朝文治越前古重修太學安頓
此屈指上下數千載想載駱駝行萬里吾聞神禹
鑄九鼎義不辱秦沉泗水十鼓止二得足數閱盡
變滅吁可喟移措文廟遂得所諸生講劇從今始
二公騎龍白雲鄉獨留雄篇傳至此白沙傑筆吾
所伏續作歌詩相比次愧我效颦不效羨強題數

句還復棄才雖踈薄不能已且復為之再三置况
有詞壇老宗匠不敢仰塵高明視箴諸行篋混巾
幘東還投貽鄉蒙士請莫看竹石鼓歌或是有韻
路程紀王不稱天大夫亦不得稱字也

范川患眼疾作歌見遺戲次贈之

天公嗔君悅色空昏花故著雙瞳珠金篦妙刮未
試手睫內頑膜如脂腴公胡妄想戀酥膏譬如將
身火中投直不焚身是幸耳無惟公之眼不瘵我
有一方號還睛請公試之良得效大抵稟胎眼先
具一身于此箴神妙五色盲人語不虛侵蝕多曰

外誘至嘉陵一路饒脂粉公病自致非人致請公

寡欲運內視神光返照明雙眸方藥元來外物爾

黃連乳液煩和糲君不見秦臺神鏡無塵垢燭人

肝膽知妍媸雖然此疾不須醫閔人矇矓還亦宜

關人矇矓自有味者字皆
關九宜撫本山谷老人詩

昨奉再投非徒忌醫以病為藥恐傷醇懿遂

依賦舉似兼以自警范川以黃連點眼要得
嘉陵人之至乳和藥故

云云

至人無欲故長生曾中瑩如摩尼珠穢濁安能妄
外漆神明自然常為腴公胡按劍怒我言自笑夜

光非暗投苦口從來利於病藥不瞑眩何由瘳飲
醪求安禍必大豈但試之無功效吾聞眼者腎之
竅發為神門貫衆妙飛隳暫眩尚難忍况乃斤斧
朝朝至空即是色色即空空色本來無二致不悟
尤物戕賊人笑中有刀藏於眸妖姿佳冶安足珍
章囊膿血相雜糅士之貪兮氓之魚嗟我諱疾而
忌醫俞扁之言水擊石雖謂不祥還亦宜

革囊膿血用藥

依石樓韻贈鄭禮男

衆中相接便心傾為愛端詳氣質明輕俗可能知

我意避喧方自見君情風花雪月詩才敏金石圖
書字畫精安得携渠歸舊隱周旋夜讀併朝耕
吾廬鶴麓隔塵喧路挾青松白鹿群躑躅映空紅
勝錦笈營障缺碧於雲山翁挈榼時爭席野衲求
詩屢過村覓汝清新佳絕句彈絲吹竹不要聞
來時草草戒行儔梅雨愴愴報麥秋萬里逢春飄
客淚兩年封館滯羈遊誰從博望乘槎水不似山
陰訪戴舟留得錦囊東遊日碧雲佳句對湯休
東還便決嶠南歸有意君能款竹扉對客共分青
糝飯與渠同製碧荷衣要聞蒼苔當尋蘭若為采蘿

蘇過翠微交契本來無貴賤知音識字世間稀
會同館領下馬宴林尚書堯俞押宴退而賦
之

尚書押宴庀諸司雜劇來陳衆樂隨玉帶猩袍香
冉冉金花烏帽影離離陶和法酒三盃醉柔遠仁
風一座披不是陪臣忘拜拜 皇朝無乃闕聲詩
次白沙下馬宴罷後偶題韻

並轡天銜一字馳尚書來押 賜宴時梨園法部
笙歌妙光祿仙厨綺饌奇花影倚旒頭上帽春波
激灩掌中危醉歸日晚河橋路記得青樓半面窺

奉次石樓台韻

夷險辛甘事事同鏡中鬢鬢雙鬢一年旅夢燈
前枕萬里鄉愁雨外春回鴈逢春虛寄信歸潮帶
月隔推篷何時落帆宣沙岸滿兼香風酒正濃

通官尹大銑久陪筆硯願惠一言書以贈之
雖存寸舌澀華音纏橐賣無累十金沿路見偷將
乞食同行隨例尚叔葵工書楷正宜人眼拙性卑
恭可我心萬里相從情不淺操觚况乃效勞深

二月十七日領 勅于文華殿東極門發賦
以識之

玉橋西望御溝源步入文華左掖門閣曜孤高承
帝座翰林蕭洒映微垣威顏咫尺擎綸綍天語丁
寧樹屏藩稽首瑤墀徒隕淚小臣無路報皇恩

復用前韻呈石樓台案

漢闕逶迤貫渭源玉關橋對紫宸門洛陽苗裔超
常侍學士詞宗冠翰垣萬里星忱環北極十行天
語將東藩文華殿外擎鸞詔粉骨難酬雨露恩

孟翰林賈大監
傳勅故及之

泉源萬斛倒詞源一脉相傳牧隱門福曜方臨青
社分文星應八紫微垣于今一札頒宸極自古三

韓作帝藩碌碌因人增愧汗東還何以答殊恩

復用前韻仰酬白沙令文

象槎髣髴溯河源夢裏還疑壯帝門瓊島微茫
苑籞玉泉演漾繞宮垣近臣視草因頒詔中貴傳
宣為樹藩歸拜龍顏何所報放還田野亦君恩
伏聞台寢遭火災奉此以鎮之

昨夕相對劇飲罷忽聞寢內驚回祿俄頃撲滅仍
就枕睡聲如雷動墻屋眾人來慰我來賀敢問賀
意何所獨吾聞水火雖相尅丁壬本自為配匹在
易其卦為既濟此行利涉可以卜况台來時航上

發終獲無虞穩登陸所以賀者意在此且向神明
重慶祝

琉球國使臣馬勝連林國用以請封事來寓
巡風廳回來見館中端秀可愛但恨不文耳

聞道琉球國閩南海島中衣冠猶漢制文物亦唐
風華嶼乾坤別箕封雨露同性情均所賦休恠語

難通

高華嶼
在國西

復疊前韻

澎湖多勝蹟詳著職方中剝木經閩徼占雲候海
風朝宗如有約邂逅不期同所賴皇靈大車書萬

里通

聞黠師敗績王軍門被擄復用前韻傷之

日落昆明天外池瘴風吹折漢旌旂蠻溪有路橫
蛇陣將鼓無聲挫國威狂勝驕兵忘戰戒詐降窮
寇變危機可憐南極連銅柱回首冥冥斷鳥飛

奉次趙花川寄韻原韻外增二韻

清明二月是中旬萬里風光惱殺君燕子欲來開
小閣桃花將發掩重門黃連作末難除膜玉乳成
膏易撥雲別恨漸濃山秀黛情書久斷鴈迷群鳳
衽猶帶嬌紅濕鸞扇空藏舊麝薰消遣一春無限

意可憐抱渴病文園

花川患眼疾作黃連歌寄情於嘉興人故戲及之

沁園春詞次趙花川韻

搖艇柴門花浪新漲錦鱗可弋山青水碧一聲款
乃歌往往汀洲狎鷗非他嫩綠叢衣直繞紫綬羊
裘何羨釣烟波問怎麼却被浮名誤驅傳乘槎
倚書閣縹緲天涯詠孤鷺齊飛落霞把銀燭大明
宮裏早朝罷柳拂赤墀旗影橫斜牢鎖烏蠻度日
如歲鏡中雙鬢著秋華好歸去拜 聖主蒙恩即
放還家

領解送漂流人

御前欽賜賞賚退而賦之

祥雲一朵繞皇闈稽首東廊奉 勅歸奏解漂流
雖舊例賞恩稠疊倍光輝兼金爛雪頒天府瑞錦
霏煙出帝機忠順家傳昭受報 先朝耆老幾霑
衣

上馬宴罷後復次前韻寄意於林尚書

盛德英名四海馳春官典禮屬清時起崇八座班
聯重封殖三韓際會奇舞急錦腰催玉柱花低帽
角落金危明朝可是辭堂去蘭省無緣得再窺

京師地震

二月二十日甲寅巳時

地維宜靜不宜動恠底京師變異常氣震山河天

柱折聲掀墻壁苑林僵其占其應誠難測陰盛陽
微亦可詳至哉坤元須體念羣公終始勉扶匡

良鄉道中

烏巒館裏思鄉客丹鳳門前拜闕時望鳥青空心
共疾首雲白日意俱遲 皇畿路直車如水驛舍
春深柳盡絲為報同行須促駕明朝要過督亢陂

督亢陂在新城南門外有亭乃畿南勝景

蘆溝橋蘆溝曉月乃北京八景之一也在良鄉

誰鐫山骨跨河郊絕勝松江繞畫橋百尺虹蜺光
隱隱半空烏鵲影迢迢夜霜却被蘆花誤曉月偏

添曙色饒南去北來何日了輪蹄赤縣此津要

過涿州

畿南百里冠雄州見日長安只舉頭冀野天文臨
析木軒皇神武馘蚩尤金縉歲月何須問遼宋山
河足可羞聖代即今為近輔滿城花柳擁譙樓

過雄縣

壯哉雄縣此襟喉澶漫燕雲十六州地雜城池今
古樹水分夷夏北南流街頭紫鰓來漁戶柳外青
帘報酒樓瓏麥漸蒼桑葉綠遠人時復駐征鞍

河乃宋遼時界河也

過漢儒毛公授詩處在任丘縣尊福鄉

宣聖刪詩三百篇西河教授遠相傳自經暴火成
灰燼更埃名儒繫註箋小序縱熯通火旨微辭不
害待來賢荒墟莫怪勒憑軾為誦遺編積歲年

過督亢亭

新城南畔督亢亭隔水桃花潑眼明繞隄垂柳千
株綠不管燕丹送客情

過白溝河張叔夜死處也

漠漠風沙白日陰地分南北界河深可憐一片中
原土埋却中丞未死心

過召公遺化牌門在雄縣東

召保封燕不就封當時夾輔配周公甘棠處處皆
遺化不獨區區此縣東

過河間府

畿南形勝冠三輔往事皆徵太史書漢代賢王聲
大雅河洲淑女詠關雎崢嶸粉堞縈雲霧爛熳紅
桃擁郭墟細雨青帘頻喚客此間恨不有吾廬大雅

不羣用獻王贊語國朝皇右多出河間府

瀛洲途中

既雨須晴晴亦佳東風三月足烟霞綿芊草色連

千里爛熳桃花覆萬家去去天涯春已晚勞勞客
裏老將加前徒莫恠行差緩喜見河橋酒幔斜

過蓮花亭

在河間府北八里號瀛洲仙境

瀛洲曲折畫橋斜古岸萋萋芳草多一道澄波凌
翠檻千條弱柳弄晴沙春來愁緒無方解客裏風
光奈老何却恨吾行差似早納涼時未見荷花

過獻縣

獻王城在古瀛東西漢賢藩此剪桐沒世流名由
懿德至今好禮有遺風漳沱天佑興王業河朔人
收撥亂功往事悠悠何處問眇然雲末一飛鴻

上游河朔麗境兩牌門
在縣南二十里單家橋

題河間城南店

遠客歸心疾燕南落日邊出城齋飯後聽雨暮鍾
前柳色迷村塢桃花暎水堦明朝滄景路扶醉上
河船

阜城道中

日午官橋城影斜郊墟寥落樹重遮天浮野色連
雲盡雨散關河送客賒王粲登樓非我士杜陵著
處是吾家春風酒熟君休問路上無村不杏花

奉次石樓相公贈韻

萬里逢春又送春，憶歸猶是未歸人。一首新詩披在手，可憐三月已中旬。

謁董子廟

在景州東門內廣川臺在城東廣川鎮即董子故里也

西漢醇儒少公非，賈誼倫一言明義利三策發。天人古廟荒城月，高臺碧水春平生。景仰意下馬為恭伸。

過周亞夫廟

曾將三十六將軍，摧破吳鋒廓楚氛。閉壁受知終大拜，封條非侈咎殊勲。屈強丞相雖多忿，刻薄君王亦少恩。春遍故墟濃細柳，九原安得起英魂。

奉次白沙韻

六飛親幸勞三軍，大夫家聲獨不群。致屈天威嗟嘖嘖，回看兒戲笑紛紛。傍營古樹今無主，按轡英風昔有君。安得起公為漢將，掃平胡虜樹奇勲。

夫細柳營

對策無如董子賢，得名阿世哂淄川。肯中學究天人際，史外心傳筆削篇。臨水自能勤結網，力田何怨不逢年。當時偶合皆糞土，千載誰知有述焉。

下

過董子下帷處

儒道關時運人材亦地靈
壯行需幼學資治在窮
經兀若參前聖衰然奉
大庭高山今仰止千載尚
儀刑

回次德州舊館喜題屋壁

德州西郭古河濱
驛路東風雨壓塵
雲豁青徐圍
鉅野水交漳
衛八天津客程有限三千里
聖壽無疆八萬春
進勅閣門知幾日
蒲城花柳一時新

過東方朔墓

方朔騎龍上白雲
人間那得有遺墳
陵陽城外今經過
所見何如舊所聞

商縣道中遣悶

客路千辛又萬艱
東牟猶是杏雲端
顛當轎穴齒偏痛
坐靠椅支膝又酸
宿霧時侵衣袖濕
飛沙日糝髮毛乾
水城門外連渠潏
况乃風濤未易安

鄒平城東店奉壽石樓相公生辰

相公今日逢初度
福履應隨萬里長
芥比青泥坊底羹
酒無燕市意
內香門前有客曾
籠鶴路上無人更
送羊相對勸酬忘
逢旅不知何處是
他鄉

芥菜宛然鄉味酒亦香羹涼肆酒牌以意內所造香醞為識

奉次白沙令韻錄呈台案

小店春醕勝鳳團渾忘旅味苦酸寒留歡更續樽
中淥奉勸惟嫌蓋衣殘道上逢辰須盡醉天涯作
客且加餐明朝又是河橋路亂落桃花不忍看

過於陵仲子之間在東門內

舉國皆稱仲子庶是非難道孟軻談出哇鴉鴉猶
為甚違奉孃孃亦所甘士不苟難言可服人而絕
物責且嚴詢其筭室今無處尚表遺閭為激貪

牛山值雨

誰樂又誰悲興亡是非無端過路雨翻作更沾
衣樂從夷鴉之樂字上起
意漢語驟雨謂之過路雨

題青州城南樓

縱目南樓上徘徊覽鬱紆山川微禹貢城郭想齊
都皞皞殊王化泱泱表海隅雲門山不遠恨未訪
仙區

夜雨樓即青州南門樓常
夜有雨聲故名

夜卧高樓上蕭蕭風雨聲起看星月朗虛靜自生
聽

望雲門山在青州南門外五里頂有通
穴可容百人李清投處也

青州南郭外駐馬望仙山頂豁通雲氣中空滿世
寰曾聞靈躅在休遣洞門關秘籙如傳得後茲夫

不還

過邢軍門在青州

藩邦蒙再造總督舊專征文武推英畧勲庸保令
名鄉坊餘甲第居處異平生曾觀萬夫表經過一
槍精

過王府在青州

益都青社地帝子此為家姬德優麟趾劉封錯犬
牙如要傳祚胤只在戒駟奢為報王門客毋忘往
訓嘉

過伯夷故迹在昌樂縣

清聖遺墟野草蕃清風颯爽凜精魄西山底處甘
周餓吐海當年避紂昏迹混丘陵容或變光爭日
月獨長存營立一種荒原廟立懦千秋特不讓

過逢萌故里亦在昌樂縣

王莽謙恭日楊雄賦頌時何人能秉哲君子貴知
幾梅尉南昌隱逢公吐海歸千秋陵谷變舊迹尚
依侑

過平津別業在濰縣

平津留別業濰水古城西脫粟終復飯布衾故在
隳代還翻易主河滿自平隄東閣亦賢意于今夢

亦迷

過孔文舉舊治

在濰縣東十里

老瞞如鬼謀移鼎海內賢豪次第鋤不殺孔君終
作梗相圖鴻豫故詒書懷風英爽生如在擢髮姦
雄死有餘尚友千秋增感慨停驂不忍過遺墟

濰縣途中詠懷

早起衆星滅明星獨煌煌川陸日修武客心悲未
央洪河動我前欲濟無舟梁所思在萬里矯首路
渺茫焉得騎黃鶴凌風歸故鄉

過晏平仲故里

在濰縣東二十里

平仲相齊國貴而能不驕深明惟禮效頗善與人
交何意殺三士為謀費二桃貧家猶待火嗟矯末
風澆

過王彥方故居

在濰縣東三十里

東京賢士隱於斯德化鄉閭表一時可惜遺風今
寂寞里人寧愧彥方知

過營丘舊封

昌邑城西號隩區營丘舊是太公都不知盡手今
猶在試覓江南驂兩圖

畫師李成營丘人江
南驂兩圖名於世

過宰相里

宋龍圖閣大學士蔡齊故
里也在平度州灰埠里

盛宋興文運名符帝夢奇首登龍虎榜身到鳳凰
池地屬東萊郡坊傳宰相基風聲今不泯鄉社有
遺祠

東萊郡謁文廟

文獻三齊有足徵衣冠千古繼繩繩儒宮俎豆陳
儀盛學制師生積廢興堯顙禹腰憑面謁曾唯顏
喟若親承東萊書院長鄰近入室分明自此升
皆聖像
故及之

早發朱橋驛

伴月明星出未高路長猶覺坐轎勞昏昏因睡驚

驛背無數鈴聲過石橋

過麻姑故里在黃縣西
四十里

麻姑鍊仙道道成游雲海雲海蒼茫不可極故廬
埋沒成蓬艾暫下蔡經家遂與方平會嗟哉彼愚
人仙瓜思搔背搔背不可得玉顏頰爾梅撒米戲
作珠誰知變幻多狡獪蓬萊水清淺一去今安在

次白沙韻

尚書舊是玉曹賢天上高名白日懸斜漢遙通星
斗轉輕槎平渡浪花穿自非凡骨仙緣在那得奇
蹤海客傳歸及春風還把釣五湖煙水白鷗前

到登州

故國經年別登州是并州浮生無定處獨立水城門

登州春望 回文

依依獨立故傷魂莽蕩中州九野分圍郭晚樓騰
蜃彩接天春浪帖羅紋歸帆送客迷沙渚去櫓迎
潮截海雲飛却道人驚是怪機忘共我與鷗羣

解纜 三月十五日

水城門外早潮生風正懸帆萬里平一抹脩眉浮
海面船人遙指是皇城 皇城島名

過皇城島

二日程兼一日行來時船覺去時輕天容海色問
舟子枕底惟聞風水聲

次趙侍郎平島寄韻三首

東北山連渤海涯天晴孤島有人家心懸平浪占
雲物目極神京望日華只冀聖靈垂默祐敢言忠
信任風波隔船並語情珍重况復投章喜轉加是

早祭于廟島聖母之神故及之

風恬海面不成紋萬里褰開日漏雲解迨正欣披
霧靚分離曾恨阻蘭薰臨危共濟誰無意同病相

嶙獨有君自歎遡洎從未得漫將詩句謝慙慙
情均骨肉喜團圓共慰移舟古島邊行役莫須分
二起回便何幸偶同緣中流遇險宜居後破浪乘
風不讓先筭了前程拚一醉鼓橈牛渚月明船

次趙得和侍郎寄贈三十三韻

韻一韻刪

八舟心不定憂與喜相并衰病易生怯風濤難計
程望雲迷故國斷纜背孤城香穩昇虔告波紋熨
帖平蒲帆空外颺彩鷁浪頭輕積氣妨開眼群峯
逐眩睛鰲身映日黑鵬背負天青地志徵陽谷乾
文仰帝京尚書已徑逝相國舊同行櫓切風前健

燈乾霧裡明滅鱗明礁出增漲早潮生地括滄流
合天回岸勢縈持橈防險迂卸席避風爭奇絕東
坡老慙非謝朓亭戴星晨輒發乘月夜猶征臂箭
翻光閃奔霆怒吼轟棹謳叅越俗賽語雜俚聲死
地雖頗脫生涯亦屢驚玄虛徒作賦蒼水壺傳經
憑雨天瓢瀉橫吹地軸傾木兒猶失措颶母倏生
惺稽首祈垂祐存心為致誠欹斜厓憂憂軒豁島
庚庚海客槎橫漢靈真境秘瀛留將赤舄去吹徹
紫簫迎守一神逾旺聆虛耳最醒祥飈揚羽蓋瑞
旭映霞旌杖節陪仙侶擎綸荷寵榮移舟經漢壘

草檄射胡營誰念為儒腐何慙累華英船如天上
坐劍在匣中鳴賈誼傷時涕袁安報國情哀歌徒
激烈投贈愧吾兄石峭之出海者謂之暗峭漢語也

望使船如飛為賦一絕以寄相思之意

風颭黃旗彩鷁輕布帆飛去眼猶明沉吟無限相
思意獨倚牙檣望石城副船聖黃旗正船

既失使船與冬至使書狀船相值喜以賦之
張望若登仙天邊二使船偶逢任御史况得趙花
川

霧中聞櫓聲令舟人試字閔應年即答應年

乃第六船格軍也六船伺候于第三船故元
喜賦之

霧裏挈音近因呼閔應年同聲渾失喜第六亦吾
船

次趙花川舟中寄韻

屈指歸期轉謬悠諸船徑去獨遲留無人肯問憂
風信有酒焉知及石尤孤島殘春驚客夢亂山遙
夜寄鄉愁一生屯蹇君休歎行止從前遇坎流
方丈三韓弱水東乾坤浮水水浮空雲開圓嶠千
尋碧日出扶桑六合紅詩膽橫天時索筆酒船如

海恰推蓬石城今夜波應靜為覓齋船一處戩

字出歐
公手簡

值奔鯨於洋中海壑為之掀盪吾聞大則吞
舟小則覆舟為可慮也遂接筆賦以諭之

海於天地間涵淹無不有鵬怒九霄飛鰲冠三山
走日惟鯨鯢者大小出羣醜振迅雲山動噴薄雲
雷吼溟漲翕且縮吞吐在其口吾船適落後乃於
洋中偶生寄死歸也昔聞龍倪首至誠能感神爾
其聽我否嗟余起草業受命于黃耆平生浮海志
輕槎落吾手才心期報國敢自惜衰朽東風五兩

破日力窮卯酉浮奔六千里秦城朝北斗晨趨省
部下膝踞額且叩白日難回光天關九虎守 嗣
皇勤御政受朝三六九元老秉閣務謬慝科臣糾

鴻典誕准降 聖勅躬領受尚書押賜宴罷錫
踰二首投呈事完狀拜闕仍辭部回旆東牟郡遼
人萃淵藪鎮將蓄禍心乘釁恣誑誘山東新劄兵
半被戎馬蹂妖腰雖就齊餘孽潛相嗾前日太史
奏界內隕天狗危邦不可入留宿安敢久未兌積
數日過海備糗糧搥蓬且補葺爨具需薪標消吉
卽打發日卯時在丑停舟廟島前稽首祈聖母焚

香拍錢幣薰沐滌塵垢禮畢闔廟旋船頭頻瀝酒
茲晨陰穢散靈飈如運帚天清舟子喜却訝鴻濛
剖怪哉爾鯨鯢冥頑不可庸遂扶風濤勢憑凌頗
自負撐兀舟楫傾落杵如投曰復更韜雲日慘愴
變晦黝鬢鬣揚洪波負負塞高厚舟人未遽襍鉦
鼓煩擊拊自念就木幸何歎夢瓊玖方今逆奴橫
虐焰浮辛紂震蕩河東西席勝方為狂何人奮威
武整頓 皇綱紐封尸築京觀天誅行獨柳高笑
漢唐代西戎稱甥舅醫閭路更闢玉帛覲東后吾
今奉 勅迴備儀不簡苟靈秘擁蜿蜿武夫奮赴

赴戮汝諒不難強弩誰掣肘積骸曝丘陵流膏塗
草莽我姑諭以宥聽汝惟左右韓子一飽膾安足
思我友約束鮫鱓飛廉驅我後瞬息踔千里捨
舟駕四牡早起北闕賀齊呼祝 聖壽微誠達天
聰無聲聽於澗將尋五湖掉逸興遶廬阜長嘯鹿
門隱全家棲畝畝樊須請學稼沮溺耕而耦秋嘗
霜前菘春剪夜雨韭雜筍菹我竹新棘生我拘脰
抽北山薇媚蕨南塘藕客至薦野藪香醪謀諸婦
杜鼓趁楓林烹羊拊我在倒篋得嗟稿細和仍覆
詭俛仰百年間無悔亦無咎鯨乎靈爾額吾今以

杖叩生死聽天公冥心學程史

夜到鎮山之犬串見漁船於港口舟人聞知
為鳳山人問熊消息則答云無恙田麥亦好
矣熊蓋相識者也口占以識之

夜泊鄉船火獨明舟人隔浦語相聆試問阿熊安
穩未全家漁採麥青青

次解纜亭韻

海棠嬌醉倚春晴為謝流鶯款款聲候騎來迎
角報牙官出伏捧衙呈偏生白髮寧無感更對紅
粧却有情同樂君恩須劇飲不妨張燭到天明

憶尹樂天先輩

白沙之長胤也
整理官送行于此

去年浦口瘴烟生月落潮平送我行今日沙頭晴
靄出酒香歌緩憶君情

馬上口占贈別

關外情人此郡多醉圍紅袖聽勞歌無端最是蓄
薇雨落蕊續紛奈若何

留別鄭昌雲

生死相從萬里天燕山渤海又經年何處臨歧難
制淚黃岡城外草河邊

南歸奉別石樓白沙案下

萬里同行惜解携勞歌一曲奉留時抽身渭北歸
心勇回首終南去意遲嶺外夢魂消日局篋中顏
面伴槎詩裏年分手堪揮淚不是臨歧暫別難

敬亭先生集卷之八

